

TOMISLAV KOPUNOVIĆ

# **RASTANAK SA STARIM SALAŠOM**

SUBOTICA, 2014.

IZDAVAČ  
Bunjevačka matica - Subotica

EDICIJA  
„Savrimeni bunjevački pisnici“

UREDNIK  
Stipan Šarčević

TEHNIČKI UREDNIK  
Jugoslav Bašić Palković

RECENZENT  
Geza Babijanović

LEKTOR I KOREKTOR  
mr Suzana Kujundžić Ostojić

KORICE  
Marija Horvat

KNJIGU POMOGLI  
Ministarstvo kulture i informisanja  
Grad Subotica  
Bunjevačka matica – Subotica

TIRAŽ  
300 komada

## SVOJEM GRADU

Subotice mila, draga Subotice  
Bunjevci te kupili od Marije Terezije  
Dali za te novce i žeženo zlato  
Ti si naše srce, volimo te zato



## SUBOTICE, SRCE BUNJEVACA

Subatice mila, draga Subotice  
Bunjevci te kupili od Marije carice  
Dali za te novce i žeženo zlato  
Ti si naše srce, volimo te zato

Slavni naši prici, do neba vam fala  
Kako bi se danas Subatica zvala  
Dali ste od sebe i poslidnji komad kruva  
Da Bunjevce u njoj dragi Bog sačuva

Svud po svitu ima našeg dičnog roda  
Plemenita krv u njima, ni sad, nije voda  
Uvik njevo srce za postojbinom žudi  
I tamo su u tuđini vridni, časni ljudi

Ne mož niko naše žile da pokida  
Pamte što je naše, iako im kosa sida  
Unucima svojim divane o rodnom kraju  
U noćima budnim žive u starom zavičajju

Pomozi Bože da sačuvamo salaše  
Da ne osramotimo praidove naše  
Prid oltarom svetim otvorićemo srce  
To će biti zafala roditelja i dice.

## SUBOTICE NAŠA UZDANICE

Klapio sam jedne zimske noći  
Našim šorom neću više proći  
Digod krenem svudan su nova lica  
Pa pitam se, jel to Subotica  
Čudna čeljad, čudni običaji  
Naše mutno a njevo se sjaji  
Kažu kod nji rike i planine  
Ode blato, pra i grozne zime  
I nama je ode lipo bilo  
A šta nas je sad tužno zadesilo  
Naši stari pametni su bili  
Od carice varoš odkupili  
Stvorili su bilu Suboticu  
Gradili je za sebe i dicu  
Pravili su škole za Bunjevce  
I tamo su dali oni svoje novce  
A di su škole, a di su ta dica  
Pa čija je sad ova bila Subotica  
Tili su učiti maternji nam jezik dica  
Da se čuva bunjevačka porodica  
Da se naši sad probude stari  
U rake bi oni oma natrag pali  
Kako bi njim u obraz pogledali  
Kad gotovo njevo čuvat nismo znali  
Skupimo se dični rode i virujmo u Boga  
Nas Bunjevce spasit mož samo sloga  
A to što je naše nek nam bude sveto  
Da nam nikad ne bude oteto  
Iz grobova sad nam poručivaje dide  
Da se od nas i oni sad već lagacko stide

Palić, 31. 1.2006.

## SUBOTICE, KOLIVKA SI NAŠA

Težak je put bio naši praotaca  
Vodeć sa sobom pleme Bunjevaca,  
Iz postojbine naše sa sabljom u ruki  
Došli su ta čeljad, a nikad goloruki.

Tužan je bio rastanak od kršnog kraja  
Ljubili su slime i prag zavičaja  
Došli su sa dicom i starima u ravnicu  
Stvarali su ode novu porodicu.

Pustare su ovo kadgod davno bile  
Pritvorili su ji u atare i u njive,  
Vridne ruke, naši didova težaka  
Radili su vridno od jutra do mraka.

Tu Bunjevci žive, to nek svako svati  
A ni jedan izrod, kod nas da ne svrati.  
A taj ko je izrod naše male grane  
Nek ga kletva prati, nek mu nikad ne svane.

Dična naša čeljadi, virujmo u Boga  
Poslidnje je vrime da zavlada sloga.  
A zdravlje i vira nek žive u nama  
Doće srićni dani, a nestaće tama.

Na svitu se još nikad nije taj rodio  
Ko bi Bunjevcima sudbinu krojio  
Čuvaće nas naše i srce i duša  
Proklet bio onaj ko dušmana sluša.

Palić, 21. 6.2006.

## U TOM NAŠEM LIPOM KERU

Al je lipo ići u Ker  
Kad vranci vuku nov fijaker  
Gazdački se sin marvaši  
Konji lete, put se praši

Tu su momci lumpovali  
Zbog cura se i pobricali  
Ne moj dirat u bunjevačko  
U njega je srce junačko

Puno ima lipi snaša  
Tamburaša, i birtaša  
Crno vino, crne oči  
Srce lupa da iskoči

Kad zaori naša pisma  
I mijana bude tisna  
Mili zvuci tamburice  
I najtvrđe otvore srce

Sviće zora, dan se budi  
Na salaš triba krenit ljudi  
Zasvirajte još onu našu  
Crnog vina, dajte čašu

Nek se čuje, nek svit znade  
Da naš rod veliko srce imade  
Veseli su, vridni, radni  
Od života nisu gladni.

Palić, oktobar 2008.god.



## SVI SMO SEKO ROĐENI U KERU

Mrzim vitar i oluje, sve nose daleko  
Tako je sad i sa tobom, moja draga seko  
Držo sam ja na dlanu bistre kapi suze  
Izgleda da vitrina i to meni uze

Daleko si od rodnog kraja, dragi Bog te čuva  
Novo gnjizdo savila si i voljeni te čuva  
Čuva tebe, tvoja ćerka i unuk, to su tvoja dica  
Na jugu naše domovine živi nova porodica

Ako tebi štogod kažem to dobro odmirim  
Ni sudbinu ne možem za svašta da krivim  
Iđu dani, iđu noći, pobigle godine  
Prohujali srićni dani, ne mož niko da ji stigne

S ljudima se sudba često poigrava  
Ono što nam je milo i drago grubo udaljava  
Mi smo samo ljudi sluge našeg jedinoga Boga  
Pomolimo se svakog dana da zavlada sloga

Čini mi se da smo juče bili sasvim mali  
A istina je ona prava da smo sad stari  
Srce naše kuca i nosi kapi bunjevačke krvi  
Nismo nikad bili ni poslidnji ni prvi

Iz očiju moji poteći će gorke suze  
Sićaću se uvek onog što nam život uze  
Gledam ovo Bačko nebo i zvizdice male  
One su nam uvik virne i za nas su sjale.

Palić, 2011. godina

## RODNOJ GRUDI

Rodna grudo mili zavičaju  
U tebi je ko u malom raj  
Di s okreneš svudan su mijane  
I Bunjevke lipe nasmijane.

Ker je imo dobri tamburaša  
Noćobdija, rumeni birtaša.  
Fijakere su znali pratit s vinom  
A kajase namazat slaninom.

Tužno ržu prid mijanom vraci  
U mijani lumpuju pijanci  
Raduju se, pivaje zbog vina  
I života što u njima ima

Kerčani su uvik bili čili  
Lipi momci divojkama mili.  
Pravi život poštovat su znali  
Srići i zdravlju uvik su se nadali.

Nemož nestat ni vina, ni Bačke,  
Nemož nestat pisme bunjevačke.  
Oj Bunjevče, moj sokole sivi  
Digni čelo i ponovo živi.

Palić, 1995. godina

## POZDRAV SUBOTICI

Dobro jutro Subotice,  
Na rosu ti mriši lice  
Grlimo te mili grade  
Ti nam pružaš nove nade.

Lipa li si ko zvezda Danica  
Mi smo tvoja mala dica  
Zakrili nas, sačuvaj od mraka  
Od oluje i crnog oblaka.

Rasuti smo po cilom svitu  
Ko makovi u zrilome žitu  
Al duboko u našem srcu  
Sa ponosom nosimo Suboticu.

Dugo živi naš biseru pravi  
U tebi smo i srićni i zdravi  
Ponosni smo što te mi imamo  
I nikad te nikome ne damo.

Palić, 1997. godina



## SVOJEM RODU

Kad upregne paradoše  
Amovima zvečke zveče  
Lete sonca srid ravnice  
Di bi, nek do Subotice



# BAŠ SU VRIDNI SALAŠARI

Na toj Bačkoj rodnoj njivi  
Nuz kohanje i oranje  
Triba i ti mudri riči  
Što ravnice, ai dušu liči

Dal sijemo zlatno žito  
Što se kosi kad je lito  
Dužijancu kad slavimo  
Žitnim vincom okitimo

Sadi paor i kuruze  
Simentalske krave muze  
Pun je obor mangulica  
Biće šunke, slanine i divenica

Kad upregne paradoše  
Amovima zvečke zveče  
Lete sonca srid ravnice  
Di bi nek do Subatice

Zvizde sjaje svake noći  
Isus će nam mali doći  
Probudiće našu dicu  
Ićemo na ponoćnicu.

## BUNJEVAČKE RODILE NAS NANE

Rodna grudo, mili zavičaju  
U tebi je ko u malom raju.  
Di s okreneš svudan su mijane  
i Bunjevke lipe nasmijane.

Bunjevački grade Subotice,  
Opivana zvukom tamburice.  
A iz grla cura i momaka,  
Ori s pisma od jutra do mraka.

Ker je imo dobri tamburaša,  
Noćobdija, rumeni birtaša.  
Fijakere su znali prati s vinom,  
A kajase mazat sa slaninom.

Tužno ržu prid mijanom vraci  
U mijani lumpuju pijanci.  
Raduju se, pivaje zbog vina  
I života šta u njima ima.

Ne mož nestat ni vina ni Bačke  
Ne mož nestat pisme bunjevačke.  
Oj Bunjevče, moj sokole sivi,  
Digni čelo i ponosno živi.

Subotica, 15. maja 2006.



## BUNJEVKI

Sunce granu i obasja Bačku  
I kolivku našu bunjevačku  
S tamburice odjekuju žice  
Igra, piva mladež iz ravnice


U Bunjevki na srid Tavankuta  
Tu se igra kolo po sto puta  
U najlipče nošnje obučeni  
Igra mladež obraza rumeni

Na igraču prsluk, čizme, svila  
Divojka je u svili ko vila  
Igri, pismi tu su naučeni  
Ko da su od zlata saliveni

A u kolu kad zvečke zazveče  
Ne znaš više dal je noć, jel več  
Šuška svila, zveči na sve strane  
Neka jutro nikad ne osvane

Sve dok bude svita i Sunca  
Vrilom otkucajom kucaće nam srca  
Kroz voćnjake kasa dva čilaša  
Bunjevka je mila majka naša

Tavankuta pamtiće se ime  
Tu je naše posijano sime  
A na mladost mriši nam ravnica  
Ponosni smo što smo tvoja dica.



Dužijanca u Bajmaku, jul 2002. godine

# ISTINA JE SNAGA BUNJEVACA

TAMO di zora najlipče sviće  
TAMO di miriše najlipče cviće  
TAMO sam rođen, a to je Bačka  
TAMO je kolivka naša bunjevačka

ODE su rođeni preci, majke i dide  
ODE vridni i časni ljudi žive  
ODE su plodne i rodne njive  
ODE ljudi od svojeg rada žive

VOLIDU rosu, i pra, i blato  
VOLIDU poštenje neg tuđe zlato  
VOLIDU viru sveca i Boga  
VOLIDU mir i da vlada sloga

SAMO je na svitu jedna Bačka  
SAMO su ode srićana srca bunjevačka  
SAMO da bude zdravlja i sriće  
SAMO da našem rodu dugo osviće

TOČE se riči, iđu od srca  
TOČI se vino i vrije krvca  
TOČE se misli, a želje roje  
TOČI se i ispija istina da Bunjevci čuvaju svoje.

Na Paliću, 2007. godine

## ISTINA IZ MOJE DUŠE

Pismu ovu pišem, a istina kaže  
Bunjevci su vridni, pomoć ne traže  
Didovi nam došli u plodnu ravnicu  
Stvorili su svoju dičnu porodicu

Paori su oni, tu su plodne njive  
Pa od njevog truda sada čeljad žive  
Vridno oni rade od jutra do mraka  
Žuljevita ruka, bome, nije laka

Poštenje te ljude još i danas krasi  
Viruju u Boga da se duša spasi  
Niko nema pravo da tu čeljad dira  
Tu su od davnina, njima triba mira

U ničiji život nek niko ne dira  
Bunjevac je srićan kad tambura svira  
Kad baćo i nana štogod dicit kažu  
Dobre su im duše, sa njima se slažu

Ta uvijek je bilo niki čudni ljudi  
Što poštenom čoviku žele da naude  
Bunjevci su čeljad baš velikog srca  
U srcu i žilama vrila krvca kuca

Bog i rodoljublje naš puk mali čuva  
Nema takog vitra da možda nas oduva  
Mi čuvamo savit naši pradidova  
Idemo u crkvu i molimo Boga.



Tomislav Kopunović na svom salašu iz 80 –ti godina

## BUNJEVKE SU LIPE ŽENE

Kad odrastu Bunjevdice lice njima krasi -  
crne oči, a i crne su jim vlasi.

A u duši nose svoje pokolenje,  
svako jutro mole Boga za oprostjenje.

A u poslu njima nikad nema para  
pod rukama blista sve od samog sjaja.  
Pa moram spomenit i našu čistu sobu,  
kad nam dođu gosti da vide čistotu.

Nisam ja jedini što pišem o Bunjevcima,  
njevom vridnom poslu ne postoji cina.  
To su vridna čeljad, rade od jutra do mraka,  
umorni su ljudi, njeva ruka nikad nije laka.

Al ima i danas niki čudni ljudi,  
za postojbinom starom srce im ne žudi.  
Prodali su svoj rod i sve što je bilo naše,  
sad divane o drugom, možda im je lakše.

Svako ima pravo da svoj život živi,  
nek se niko od toga ne stidi.  
Svi ćemo mi doći do sudnjega dana,  
a virnom čoviku ostat teška rana.

Na posljednji put kada biće krene,  
uvenu u njemu lipe uspomene.  
A ima i oni koji će tužno plakati  
i dok oni žive srce će im se kidati.

Palić, 13. 01. 2014. god.

## KORZO

Najlipči je sokak naše Subatice,  
tu ćeš uvik vidit nasmijano lice.  
a svake nedilje išli smo na misu,  
i molili Boga za one koji s nama nisu.

U prilipu nošnju divojke obučene,  
na momcima prusluk i bričez pantalone.  
A čizme se sjaje baš ko žarko sunce,  
zlatna pucad na prusluku odsijava lice.

To je tako bilo, a zvona jasno zvone,  
od svega toga ostale su samo mile uspomene.  
Mrišio je korzo od mladosti i krasote,  
ko je digod vidio baš take lipote.

A zašto su prošla ona prilipa vrimena,  
sad samo živimo od lipi uspomena.  
A te mlade cure sad su valda majke,  
i dide se sićaju i to zdravo pamte.

Zato dico draga poštivajte i Baću i Nanu  
i nigujte našu bunjevačku granu.  
Sačuvajte dari od dragoga Boga,  
jel Bunjevce može samo spasit sloga.  
Pa čuvajmo riči biskupa Ivana Antunovića  
Tako će nam opstat naša porodica.

Palić, 26. maj 2014. god.





## VOJVOĐANSKA RAVNICA

Oranico zemljo, čuvaš nas i raniš  
Od tuge i gladi baš ti nas braniš  
Iz tebe zrači radost i snaga  
Zato si tako mila, voljena i draga



## RAVNICI VOLJENOJ

Ne plači zemljo, ako ja odem  
Možda baš zato što te materom zovem  
Čuvam te ko malo vode na dlanu  
U mojoj ravnici najlipča jutra svanu

Tu sam ja ugledao, i zoru, i sunce  
Kad pomislim na te zadržće srce  
Tu su se rodili i živili preci  
Tu se i sad slave bunjevački sveci

Bili se salaš, a okolo njiva  
Velika ledina di blago sniva  
Kad pogledaš sve je ko zeleno more  
Ne znaš šta je lipče, sumrak el zore

Crnico zemljo, čuvaš nas i raniš  
Od tuge i gladi baš ti nas braniš  
Iz tebe zrači radost i snaga  
Zato si tako mila, voljena i draga

Palić, 2009. godina



## LIPA BAČKO, TI SI DRUGA NANA

Ne stidim se od života mog  
Nisam krao, lago nikad  
A sad pod ove moje stare dane  
Samo tarem oči uplakane

Ima Boga tamo na nebesi  
Bunjevcima da se srića desi  
Da oživi naše dično ime  
Jer čvrsto je naše kućno slime

Mi smo ode od davnina  
Ovo nam je naša dična domovina  
Živili smo pošteno i časno  
Da kažemo, nikad nije kasno

A sva čeljad koja ode žive  
Subotici mogu da se dive  
Velika su krila našeg rodnog grada  
Niko ode nikad da ne strada

I u Keru kad sam bio mali  
I onda su me Bunjevcom zvali  
Pripoznali bi zvuke naše tamburice  
Šta divane te pozlačene žice

Palić, 29. 5.2013.

## VOJVODINO, U SRCU TE NOSIM

Tu sam rođen, ja, u Vojvodini  
Nikad ne bi mogo živit u tuđini  
Slušo sam savit svoji roditelja  
Nikad nećeš nać tamo prijatelja

Kad pogledam nebo i baćku ravnicu  
Ne možem da ne puštım suzu radosnicu  
I kad kadgod odem od mog rodnog kraja  
U mislima sam se roje slike lipog zavićaja

Iako te poznam već godina dugo  
Nikad nisi bila kao danas, slugo  
Bila si bogata, rodna, berićetna  
Spuštila si krila, zašto si nesrićna

Ponosna i gorda budi Vojvodino  
U tebi je snaga, da je ne razvodnimo  
A Bog da te ćuva za sva duga vrımena  
Vojvodino dušo, za nas si stvorena

I te male zvizde što na nebu sjaju  
Mili rodni kraju tebe obasjaju  
Do kraja života tebe ću voliti  
Kad jedared odem, ja neću žaliti.

Palić, 9. marta, 2001.

## ŠIROKO JE SRCE TE RAVNICE

Ko je došo jedared u Bačku  
Upozno je pismu bunjevačku  
I mio zvuk naši tamburica  
Za srce se vezala ravnica.

I divna polja što nemaju kraja  
Zlatno Sunce našeg zavičaja.  
Kad se žito talasa u vlatu  
Čini mi se da je sve u zlatu.

Lipi konji što karuce vuku  
A njev topot što zemljicu tuku  
Talasaju se na konjima grive  
Ta, paori tako ode žive.

Široke su grudi te ravnice  
Stanu u nju i ljudi i tice.  
Ta svakom je ona mila mati  
Rodna grudo, svi ćete zvati.

Puno rodi ode kod nas žita  
Mož naranit, valda, polak svita  
Zavidila si da te poljubimo  
Zemljo mila od tebe živimo.

Palić, 1988. godina

## SVANI DANE

Kad pogledam tu bačku ravnicu  
I zagrlim tu plodnu crnicu  
Miseć mladi što na nebu sjaji  
Rujnu zoru što novi dan najavi.

Zlatno žito tad se talasa  
Zrno viri iz svakog klasa.  
Biće kruva, biće i kolača.

Paoru je uvijek teško bilo  
Sa znojom se njemu pozlatilo.  
Tvrde ruke, vrila krv u njima  
Tako živi naša Vojvodina.

Tu je bilo puno lipi konja  
Sad ni miris od nji ne vonja  
Di su konji, a di su salaši  
Šta da kažu roditelji naši.

Vratite se dico naša draga  
I dođite do kućnoga praga  
Oživite život na salašu  
Ispunite davnu želju našu.

Palić, 1996. godine

## EJ SOMBORU, TI SI LJUBAV NAŠA

Sombor mila, varoš kod Dunava  
Opivana često bunjevačkim pismama  
Kad sokakom prođeš, svudan se zeleni  
Bođoši je krase, srce nam zaplani

Nikad tamo nije bilo varoški tramvaja  
Al bilo je lipi konja i fijakera  
Sombor varoš ima dušu i čistog ajera  
Vridne, časne ljude od stari careva

Mila je to varoš u večje i prid zoru  
Liti puno cvića u svakom pendžeru  
Kadgod se družilo u noćnim satima  
Svirali su tamburaši, baš, dobrim gostima

Volio bi još jedared vidit lice staroga Sombora  
Bile lađe koje plove srid plavog Dunava  
Da se sitim opet oni lipi dana u Somboru  
Kad su nas tamburaši pratili prid zoru

Vrime uvik teče baš ko bistra reka  
Ostaće na Sombor uspomena lipa  
Stigle me godine, ja to dobro znadem  
Iz davni vrimenta ja ga još poznadem

Dok još ima tamo Bošnjaka i stari Dujmića  
Zeleni sokaka i prilipog cvića  
Procvataće Sombor ko u maju cviće  
Tamo su Bunjevci kovači svoje sriće.

Palić, 2007.godina



## OSLOBODIOCIMA

Domovino, ognjem popaljena  
Suzama i krvlju natopljena  
Zbog sinova i naši očeva  
Po Balkanu rasuti grobova

Di su naši oci i sinovi  
Di su naši nedosanjani snovi  
Nisu dica oca upoznala  
Ostali su siročići mali

Pogani su banili banditi  
I slovinsku zemlju pustošiti  
Otimali šta je nama sveto  
Nisu znali da je oteto prokleta

Molili smo mi dragoga Boga  
Da dušmanska ode od nas noga  
Pod njevom nogom zemlja je plakala  
Misto cviča trava je đikala

Al došlo je opet naše vrime  
Skinili smo mi priteško brime  
Spasila nas vojska iz Srbije  
Pa se kod nas trobojnica vije

Slovini su Bunjevci i Srbi  
Bratska ruka jedno drugog grli  
I čuvajmo sve što nam je sveto  
Da nam više ne bude oteto

Palić, 27.10.2005.godina

## BAČKI VOLJENOJ

Tamo na severu domovine naše  
Bunjevci su gradili salaše  
Al svaki je skoro salaš pust  
Ne vidi se nigdi bagrenjak gust  
Ima kad vidiš u snu jel na javi  
Cviće u žitu kako se plavi.  
Ditinjstvo naše bilo je lipo  
Kad je zrilo naše zlatno žito.  
Žilave ruke naših bački težaka  
Vridne su bile uvik do mraka.  
Posle žetve kad se sve umiri  
Onda opet veselje oživi  
Spremaju nam momci lipe vrance  
Slavi rodnost naše lipe Dužijance  
Kolo se igra, đeram se njiše  
Kako lipo ode svako diše.  
Karuce sjajne nose bandaše  
Čuvajte, dico, stare salaše  
Krušac novi sada peku snaše  
Ja ću volit bačke nam salaše.



## SÍCANJA

Od davnina živili smo u raju bački salaša  
Imali smo konje vrance, dorate i čilaše



## NA SALAŠU DIDE MOGA

Odrastao sam na salašu mojeg starog, dobrog dide  
Sve je valdar moje bilo dokleg bistre oči vide  
Radio sam što je moglo parasničko dite malo  
Godine su prolazile pa je dite ojačalo

Pamtim miris krušne peći i ručice nane mile  
Plave oči sa suzama na put su me ispratile  
Pogledo sam naše nebo, zvizdice su sjale male  
Sa salaša i ledina one su me ispraćale

Odnela me sudba kleta daleko od rodnog kraja  
Od salaša dide moga i njegovog zagrljaja  
Nisam tio ja da odem, moralo je tako bit  
Prošla mladost i ditinjstvo, ja ne možem tugu skrit

Vratiću se jednog dana na plodnu bačku ravnicu  
Zagrliču nebo, polja ko svoju rođenu dicu  
U mislima se često vratim kako mi je kadgod bilo  
Bog je svidok svima nama šta se onda s nama zbilo

Palić, 25. 6.2003.godina



## KAD SMO KADGOD GAZDE BILI

Od davnina živili smo u raju bački salaša  
Imali smo konje vrance i dorate i čilaše  
Orali su dide naše i sijali zlatno žito  
Pravili su dužijancu na salašu svako lito

Mi smo onda gazde bili naši njiva i dolova  
I ledina nuz salaše dobro konja i volova  
Bireše i nadničare i paradeške kočijaše  
Poštovali ko i braću, držali ji ko i naše

Na vinčanje krećalo se s puno konja i karuca  
Radosni su bili, srićna su im bila srca  
Ti svatova više nema kugod što su kadgod bili  
Ni života na salašu du su naši gnjizdo svili

Izblidili običaji, nema više ti salaša  
Ni karuca, lipi konja ni hireški kočijaša  
Sačuvajmo ono malo što nam je od Boga dato  
Pisme, igre, običaje i živimo za to!

\*Na trećem Festivalu bunjevački pisama održanog 20. 6.2003. godine ovapisma je osvojila prvu nagradu stručnog žirija.

Tekst: Tomislav Kopunović  
Muzika: Dr. Josip Stantić  
Aranžman: Vojislav Temunović  
Pismu je odpivala: Tamara Babić

Palić, 20.6.2003. godine

## USPOMINE

Sidim na klupi u parku Palića  
Sićam se dobro zima i prolića  
Mašto sam o jezeru i njega upozno  
Tamo sam često tramvajom putovo

Bili su nika druga vrimena  
Ostala mi samo draga uspomina  
Prošle su godine i drugo je vrime  
Od života i mladosti sad vučem brime

Jezero bistro postalo mutno  
Ne vidim dobro i meni je sve mutno  
Al opet, ja, volim moj lipi Palić  
Često do jezera ja znam otić

Ja brižno čuvam uspomine i nadu  
Odmor za dušu nađem u parku  
Prolaze ljudi, ja ne znam ko su  
Al Palić pamtim ko bistru rosu

Palić je ljubav, Palić je srce  
Na njemu se valdar rodilo Sunce  
Pamte ga mlogi čestiti ljudi  
Puno je srca što za njim žudi.

Palić, 2. 9.2009.

# DALEKO SI POSTOJBINO NAŠA

Naše lice pendžer je uistinu  
A i naša čeljad nikad da iskrenu  
Težak put su prošli od rodnoga kraja  
Došli su siroti do novga zavičaja.

Možemo mi svatit, baš, te stare ljude  
Čerez siromaštva boljem životu žude  
Pa došli su, oni, iz tog kršnog kraja  
I ubardali život novog zavičaja.

To su bili čeljad velikoga srca  
Još i sad jim srce postojbinom kuca  
Svaki narod ima, baš, životnu želju  
Da u bačkoj ravnici pruža ruku prijatelju.

Došli, oni, u ravnicu, a ni kuća nije bilo  
Gradili su zemunice, to se tako zbilo  
Posli došli i lipi salaši  
Vridna, radna čeljad za vikove se snašli.

Tamo u daljini teče reka Buna  
Vole je Bunjevci, to nije zabuna  
Al u škrtom kraju to je, baš, istina  
Morali su krenit put novoga svita.

Nije lipo kazti da smo mi najbolji  
Orali smo zemlju i oblačili po volji.  
Ali naša nošnja i zvuk tamburice  
Osvitlali su naše, to, iskreno lice

Još na ktaju pisme to vam moram kazti  
Poštivamo Boga i to nam je na časti.

Palić, 3.12.2013 godina



## SREBRNI VALI

Drag mi je Palić, draži nego more,  
tu sam ja mloge dočeko zore,  
tu je kraj mene Velika terasa,  
kako se divno voda talasa.

Draga su jutra kad zora rudi,  
bude se biljke, bude se ljudi,  
čuje se cvrkut tica iz tvoji grudi,  
ode se raduju plemeniti ljudi.

Ko jedared na Palić dođe,  
ne mož odoliti da svudan ne prođe,  
a Glavni ulaz ponosno stoji  
i srićne dane u sebi broji.

Paliću divni i jezero tvoje,  
za tebe me vežu uspomine moje,  
ne dam te nikom na ovome svitu,  
živim u tebi ko pupa u žitu.

Želim još dočekat zore,  
grlit te i ljubit, oj moje more,  
ti si mi radost, dika i ponos,  
stvaraš u meni ljubav i zanos.

Palić, 1995. godina

## NUZ JEZERO

Jedan kraj divan ko bajka,  
priroda krasna je tu,  
tudan me vodila majka,  
bio sam mališan nuz nju.

Tamo ja želim sa tobom poć,  
dok zadnji zrak Sunca sja,  
zar nije krasno to jezero jasno  
i šumica zelena ta.

Uz jezero kad s tobom šetam,  
zagrljeni odamo mi,  
tu poznate ljude srećem,  
jer najlipča divojka si ti.

U mom kraju to već svaki zna,  
da simoja mila dragana,  
s tobom ću šetat svake večeri ja,  
obalom Palićkog jezera.

Naš tranvaj svom brzinom juri  
i već daleko je grad,  
meni se neobično žuri  
na Palić da stignem sad.

Tamo je Velika terasa,  
parkovi šire svoj čar,  
oh kako godi posmatrati na vodi  
u čamcu zaljubljen par.

Palić, 1957. godina

## OBIČAJI

A u čistoj sobi sjajila je božićna grana  
Svima su nam zbog rođenja Hrista lica razdragana



## MARINSKO PRELO

Na starom salašu na domaku Subatice  
Tu Marinsko prelo nana pravi zbog njezine dice  
Čista soba sva se sjaji, a i peć je ugrijana  
Radosna je naša nana, duša joj je nasmijana.

Od morkače zlatna čorba na šporelju kuvana  
I rumena krumpirača, doće dica razdragana  
Lakumića i kolača i u boci ladnog vina  
Biće ila, biće pića, biće srce puno svima.

Pored dice doće gosti najdraže familije  
Stari svat, kum i rodovi, sve što nam je najmilije  
Lipe cure, lipi momci, a u licu svi rumeni  
U prilipe nošnje naše svi su oni obučeni.

Eto, Bog se similovao pa je i snig napado  
Uprego je baćo vrance, pa je goste prosanko  
Poklade su, nek se pamti kad je prelo bunjevačko  
Nek se piva, nek se ori, nadugačko, nadugačko.

Da još prelo lipče bude, doće tamburaši  
Ovako su još slavili kadgod i didovi naši  
U Bunjevcu krvi ima, kome smeta ova zima  
Ta prelo je čeljad naša, lip običaj od davnina.

Prošlo prelo, zora sviće, svi su noćas srićni bili  
Sa rumenim vinom jedno drugom nazdravili  
Ako Bog da dogodine, biće opet naše prelo  
Srce naše Bunjevačko biće nam uvijek veselo.

Na ledini prid salašom drže dida bocu vina  
Nazdravlja je svima redom našim rođenima  
Baš je ladno, a mraz čipa, rumeno je svima lice  
Triba krenit kući našoj, putom do Subotice.

Palić, 20. 1.2001. godina

## MATIJSKI VAŠAR

Na vašaru bik divani  
Da je bio na sarani  
Marnio je jednog rogom  
I kećio stražnjom nogom

Na vašaru sama marva  
Niko nikog tu ne tarma  
Pa nemaje gaće ni čorape  
Niko nema ni na koži zakrpe

Već na peci nema dinja  
Henteš kaže nema ni svinja  
Tu na vašar svako dođe  
Ima ko i smišno prođe

Prodaje se svaka stoka  
Stojiš, miriš sve od oka  
Prodadu i kravu brez mlika  
Sad marvenjak nek joj nađe lika

I krava se vućit znade  
Nema ni kod nje baš parade  
Kad ti repom marne lice  
To ne mriši baš na ljubičice

Lip je zato svaki vašar  
Svaki zna to naš salašar  
Kupi, proda i ustima mljašće  
Ajmo čeljad na aldumašće

Sad idemo iz počela  
Bik se znoji na srid čela  
Kaže da je bilo bolje lani  
Sad je niki na slaboj rani.

Palić, oktobra 2008.godine

## MOMAČKO PRELO

Poklade su i prave se prela  
Sva su čeljad srićna i vesela  
Pozvali smo goste najmilije  
Čeljad, dicu naše familije

Od davnina mi držimo prela  
Didovina to nam je donela  
Iz dalekog, kršnog zavičaja  
Ne možemo bez svog običaja

Cure momci nasmijanog lica  
Kolo vode nuz zvuk tamburica  
Pisma ječi u prohladnoj noći  
To je prelo, ko će kući poći

A iz grla mladi mile Bačke  
Odjekuju pisme bunjevačke  
Prelo slave i stari, i dica  
A sićanje piše Subotica

U najlipče nošnje obučeni  
Vesele se lica ozarena  
A sve sjajna mladost iz nji blista  
Velika je naša porodica

Sve dok bude, i Bačke, i prela  
Običaja i naši veselja  
Radujmo se lipom običaju  
Srićni bili u rodnome kraju

Palić, februara 2000. godine



Tomislav Kopunović i dr Josip Stantić  
„Berbanski dani“ Palić 2003.god.



## ŠTA JE ŽIVOT

Od rođenja teče naše vrime  
Svako nosi na leđima brime  
Nije nama svima lako bilo  
Dosta tuge i patnje se zbililo

Tako život dođe iznenada  
Rodimo se ko pčelica mala  
Za tog našeg cilog života  
Dobrog je bilo malo, a drugo strahota

Neka idu i nek teku dani  
U suzama često umivani  
Svako ima jednu malu želju  
Rič radosti i nadu u prijatelju

Bože dragi, gledaš sa visina  
Jesil našo Ti u meni sina  
Svi smo Bože Tvoja mala dica  
Mi smo naša bunjevačka porodica

A kad dođe vrime da se razidemo  
Nek je svima nama grija oprošćeno  
Pa bili smo valda dobri časni  
Ako ne baš uvijek mirne dobre ćudi

Koja žrtvu da metnem na oltar života  
Nemam teški grija da me je sramota  
Upućujem molbu Tebi dragi Bože  
Da se vole ljudi i da se već jedared slože

Palić, 20. 7. 2010. godina

# ŠTA DA ČUVA PULIN KAD NEMA OVACA

Volili su naša čeljad što sam ja radio  
Svako jutro uranio i na pašu ovce tiro  
Pomuzo sam uvijek na vrime da bude ovčijeg mlika  
Za stare i za mlade nema boljeg lika

A ta naša stara čeljad pametniji su bili  
Od pridaka i ukućana sve su naučili  
Radili su uvijek vridno od jutra do mraka  
Nije ondak ko sad bilo, ćoravi sokaka

Kako ja sad niki bardam, nestaće ovaca  
Nema više ni pašnjaka već sumljivi novaca  
Uništiće ovu varoš, i čeljad, i ovce  
Al je niko čudno vrime, di ti nađu novce

Ako ima malo vire i na nebu Boga  
Nek od kuleca iz atara ta pogana noga  
Da ne gazi više ni prava, ni blato  
Volimo ravnicu našu, draža je neg zlato

Na salašu u ovčinjaku sad pulin klapi ovce  
I višnjevac s kukom, na pridvodniku zvonce  
Načeli već moljci našu opakliju staru  
Ne mož više vidit stada u našem ataru

Palić, 5. 3.2007.



Tomislav Kopunovića sa svojom ćerkom Suzanom  
na svom salašu

## SUŠA

Bože mili, šta smo Ti skrivili  
Da smo skoro i kose na klin obisili  
Sunce prži, gori zemlja, nebo  
Ovo od nas valda niko nije čeko

Siroti i srićni mi smo kadgod bili  
Ovu strašnu godinu i stariji nisu zapamtili  
Oćel biti kruva da ne umremo gladni  
Zašto smo tako nesrićni i jadni

A ti naša plodna Bačko u zanosnoj ravnici  
Ne ostavljaj prazna usta tvojoj dicit  
Mi te nigujemo, nosimo u srcu  
Radujemo se jutru, danu i suncu

Nek samo rode tvoji lipi vinogradi  
I krv Isusa da nam ublaži naše jade  
Poštujemo njive te bačke ravnice  
To su želje naše i naše drage dice

Proće grozno lito, ide jesen, zima  
Sirota su čeljad, nemadu ogriva  
U čoviku živi i nada i srića  
Samo nek sve prođe srićno do Božića

Palić, 9. 8.2012.

# BOŽIĆ

Još se sićam oni lipi dana  
Kad je kupovana ta božićna grana  
Ja ko bunjevačko dite malo  
Veći svetac nisam nikad znao

A na Badnje večer u našem kraju  
Bilo mi je lipče neg u samom raju  
Po snjigu smo išli na ponoćnu misu  
Molili smo Boga i za naše što sa nama nisu

A u čistoj sobi sjajila je božićna grana  
Svima su nam zbog rođenja Hrista lica razdragana  
Došlo je na svit to božije stvorenje malo  
U štalici, jaslicama i u slami nasmijano

Nek blažena bude mater tog diteta  
Donela je na svit našeg Spasitelja  
Radujmo se njemu i molimo dragog Boga  
Bunjevačko pleme nek zaštititi sloga

Svim Bunjevcima kažem, molimo se Bogu  
Sačuvajmo naši pradičova slogu  
Da imamo zdravlja, radost i veselja  
I slavimo rođendan Hrista Spasitelja

Na sveta Tri kralja iznećemo granu  
Sitit se na baću i na našu nanu  
Doće opet Božić, srićni ćemo bit  
U slogi i miru svoj puk zaštitit.

Palić, na Božić 2005.

## USKRS NAM JE IME SPASITELJA

Tamo daleko na Maslinovoj gori  
U srcu Isusa i našim taj plam vični gori  
Prošlo je puno godina i dana  
Al Isusove muke još žive u nama

Uskrsnio je Isus al to je dar Boga  
da živimo u miru da zavlada sloga  
Od ti teški rana i nas srce boli  
Zato što naš narod Spasitelja voli

Evo tu je Uskrs svetog uskrsnuća  
Na oltaru neka gori puno, puno svića  
Idimo na groblje i na Kalvariju  
Positimo naše koji s nama više nisu

Blažena je Divica što takog sina rodi  
Njegova dobrota mili naš narod vodi  
I budimo srićni zbog velikog sveca  
Nek naše kolino ko njegovo ne kleca

O Isuse dragi u srce izboden  
Na priteški križ klincima poboden  
Sićaćemo se uvijek i pamtit Te dovika  
Voli Te naš rod ko Spasitelja i čovika.

## NA DAN SVI MATERA

U nedilju icemo kod nane,  
Biće lipo, ko što je i lane,  
Čestitamo nani Materice,  
To je poklon od njezine dice.

Donela je nana kotaricu,  
Darivala svoju dicu,  
Bilo je tu jabuka i ora,  
Od davnina to se tako mora.

Došla dica na užnu kod nane,  
Samo nema baće iz mijane.  
U mijani puno gustog dima,  
Sidi baćo nuz litricu vina.

Nisu baćo kogod kadgod lola,  
Zna on reda, na užnu se mora.  
Unučiće metnio na krilo,  
To je nani tako drago bilo.

Dode veče, iđu kući dica,  
Na oce će opet doći porodica.  
Baćo će se maniti mijane,  
Jel će biti divana od nane.

Tribalo bi da to tako budne,  
Da se dica češće kod nas skupe.  
Radujmo se lipom običaju,  
Ostanimo svi u rodnom kraju.

Palić, 1989. godina





## ZNANIMA

Služijo je virno i Boga i ljude  
Čuvo je svoj narod da patnje ne bude.



## BLAŠKU RAJIĆU

(Svećeniku i mučeniku)

Na krilima grada mile Subotice  
Rađala se čeljad iz dične porodice  
U Gatu je živila jedna čeljad naša  
Na svit je donela božijeg arendaša

Od diteta malog postade čeljade  
Zbog njegove „Slave“ svako za njeg znade  
Služio je virno i Boga i ljude  
Čuvo je svoj narod da patnje ne bude

U župi Svetog Roke život je provodio  
Služijo je mise i dicu krstio  
Vinčo je mloge da žive u slogi  
Svitovo na virnost i rič Bože nam pomози.

U Božijem hramu stoji bista  
Bunjevačkog sina, naše gore lista  
Cinimo ta dila šta je nama dao  
Pamtimo to ime, Blaško Rajić se zvao

Volio je Boga i svoj narod mili  
Prokleti dušmani nisu tako tili  
Mučili čovika na pravdi Boga  
Nisu ga slomili, naša krv nije voda

U bilom Budimu u starom samostanu  
Povratio je snagu ko u jednom danu  
Molio je Boga, napiso ep „Slavu“  
Bog je dragi tio da sačuva glavu

Posli robovanja nama se vratio  
Do kraja života svom rodu služio  
Nuz kapelu malu sad odmara tilo  
Od Blaška Rajića osta časno dilo

Dok je ove naše mile Subotice  
Neće potamanit to pošteno lice  
I spominjaće se dila velikog čovika  
Da ga pamte ljudi dovika, dovika

Svećeniče dragi, za sve Vama fala  
Što je Vaša duša svome puku dala  
Učili ste svoj rod na ljubav i slogu  
Na rad i poštenje i odanost Bogu

A tog tužnog dana, kad Vas Gospod uze  
Potekle su, valda, potocima suze  
Tužna je povorka bila na ukopu  
Oplakali čovika, oplakali svog popu

Čuvala ga čeljad ko na dlanu malo vode  
Svako jednog dana s ovog svita ode  
Ne mož nestat slika njegovog lika  
Izgubismo sa njim velikog čovika  
Nek ostane pisma, nek se riči toče  
I njegov život ko i naš pod ovim nebom poče  
Sada mirno spava i ko zna šta sniva  
Gospod Bog ga čuva i niko ne dira

Život teče a rič istinu piše  
Časna dila čovika ne mož da izbriše  
Pamtiće se svećenik dok postoje ljudi  
Virnicima i danas za njim srce žudi

Subotice draga, majko naša mila  
Bunjevci te mole sačuvaj mu dila  
I slovima zlatnim nek na nebu piše  
Duša tog čovika i danas s nama diše.

Crkva Svetog Roke gordo i sad stoji  
Od rođenja našeg ona dane broji  
Samo nema njenog najvećeg sina  
Svićenika Blaška Rajića

Na srid našeg grada bile Subotice  
Dočekuje nas bista, to pošteno lice  
Da nam služi za navik kao opomena  
Budimo čuvari bunjevačkog imena

Slika u Matici dar je tvoje dice  
Baš Tebi u slavu od dvi porodice  
Nek Tvoja slika naš dom vično krasi  
Da se naše pleme nikad ne ugasi



Tomislav Kopunović i dr Josip Stantić,  
Bunjevačka matica 17. april 2014. god.

## Dr JOSIPU STANTIĆU

Ima jedno dobro znano ime  
Tu je svoje posijao sime  
Osvitlo je obraz Subotice  
Ta dite je ove varošice

Bunjevac je i sa tim se diči  
Sa poštenjem svoju dušu liči  
Nuz poštenje triba štogod znati  
I svom rodu sotim štogod kaziti

Što je kazo to je baš istina  
Srce para muzička visina  
Drug je bio Tumbas Pere-Haje  
Sve poštiva, zbog ničeg se ne kaje

Da još ima više taki ljudi  
Šire bi nam bile naše grudi  
Veća bi nam bila lipa Subotica  
I primila ta bačka ravnica

Ja se nadam ima dragog Boga  
Međ Bunjevcima da zavlada sloga  
Da se cine taki dobri ljudi  
Naše pleme baš za njima žudi.

# POSLIDNJE ZBOGOM NEUSTRAŠIVOM BORCU

Imali smo mi sivog sokola  
Volio je svoj narod ko Boga  
Srce snažno za svakog bije  
Srbijom svako suze lije

Za svakog je imo divne riči  
Dobrota iz njega svake rane liči  
Oj, Zorane al te tvoje rane  
Sa suzama našim biće ti oprane

Vi zlikovci platićete Bogu  
Što rušite u narodu slogu  
Ubili ste divnog roditelja  
Cilom svitu milog prijatelja

Ako nama grane opet sunce  
S tvojim srcem kućaće nam srce  
Pamtiće se hrabrost i dila čovika  
Po cilom svitu dovika, dovika...

Odmori tilo na groblju velikana  
Slika ti je na nebu oslikana  
Fala majci, što takog sina rodi  
On je znao kako svoj narod da vodi.

15. 3.2003.godine



## UMITNIČKE RUKE

Kad prošetaš jedared obalom Palića  
Ugledaćeš dvore jednoga moćnika  
Tamo živi Lozan, ima zlatne ruke  
Sve lipote svita stvara brez po muke

Malo ima taki nadareni bića  
A mi ga imamo, to je naša srića  
Sva njegova dila krase tog čovika  
Koja će se pamtit od sad pa do vika

Bog je valjda tio da se to čeljade rodi  
Ovaj naš puk mali da s lipotom vodi  
Sva njegova dila odmor su za dušu  
Sićaju na proliće, a ne na vitrove što s jeseni dušu

Neka riči teku, nek se dila roje  
Umitničke ruke ničeg se ne boje  
Take časne ljude da dragi Bog čuva  
Sva njegova dila ko komad su kruva.

Palić, 12.11.2009.godine





## **VOLJENIMA**

Dok je bila živa cvalo je u bašči cvíce  
Margarete i ružice, karanfli mali i ljubičice



# MOJOJ POKOJNOJ VOLJENOJ NANI

(Julijani Kopunović)

Da je meni danas moje mile nane  
Lipče bi mi bile, valdar, zore dočekane  
Pamtim njen plave oči, i ruke izrađene  
Te su oči blage bile zbog njezine dice

Od rastanka s nanom iđu prolića i zime  
Odnela je sa sobom jedno teško brime  
Dok je bila živa cvalo je u bašči cvieće  
Margarete i ružice, karanfili mali, plave ljubičice

Vrime iđe stalno i sve prid njim ruši  
Pravi pustoš sad je i u mojoj duši  
Na Kersko idem groblje, nosim rosno cvieće  
Nema moje nane, nema više sriće

A šta je, ta, sudba, kud ona žuri  
A u mojoj glavi pamta mi se buni  
A istina pravdu svima nama piše  
Ostaju mi uspomine i baš ništa više

Ako imam grija, Bože mi oprosti  
Puno moji dragi sad su Tvoji gosti  
Nji sad više nema, tražim njevu dušu  
Neće stati vrime, sve vitrovi odušu.

Palić, 2008. godine

## UNUCI

(Milanu, Dunji i Mihajlu)

Prošle su one godine kad ste bili mali  
A sad vas vidim da ste sokolovi pravi  
Rastete na radost, ko iz zemlje cviće  
Mami i tati svako jutro srićno sviće

Na putu kojim ste pošli, nek vas zdravlje prati  
Budite čili i mili, a nama ste zlatni  
Učite dobro, biće od vas časni ljudi  
Za dobrom dicom roditeljsko srce žudi


Bog vas je dao da budete naši  
I srićna zvizda dušu nam krasí  
A svako jutro i svako večé  
Pomolimo se za unuke da im život mirno teče

Prid vama je život, koračajte smilo  
Bistri ste i mladi, dignite ponosno čelo  
Nek se roje misli neka teku riči  
Vaš stari dida i baka vam se diče

Te vaše oči ko suza bistre  
Take su i vaše duše čiste  
Dobro učite na ponos porodice  
Nema većeg blaga od zdrave i pametne dice

Svako vas voli, i ujo i ujna  
U vama cvatu ta mladost bujna  
Rastite mili ko najlipče cviće  
Budite jednog dana pripuni zdravlja i sriće

Palić, 4.12.2009. Vaš dida



Tomini unuci: trojke: Milan, Dunja i Mihajlo

# I NEBO JE PLAKALO TO VEČE

Tugo naša, tugo bunjevačka  
Pripukla su dva srca junačka  
Izgubili smo Lazara i Marina,  
Dva brata rođena  
Za njima plače porodica ojađena

Šta je život, a šta je sudbina  
Ostala nam tuga, u duši dubina  
Žal i bol su ušli sad u naša srca  
Al u žilama našim zbog nji vrije krvca

Bili su nam oni i ponos i dika  
Njeva časna dila ostaće dovika  
Al ostala su i ta mila dica  
U crninu je zavijena cila porodica

Bože dragi Ti vladaš nad nama  
Daj nam Tvoju svitlost nek nestane tama  
Sačuvaj naš rod bunjevački  
Nek i nama jednom svanu srićni dani

Sini jarko sunce, obasjaj nam Đurđinske salaše  
Njeva časna dila nek ne izađu iz duše naše  
Život sa nama teče i ne smimo stati  
S ponosom ćemo se na nji podsićati

Suze lije nebo, plače i Pučka kasina  
Zbog nestanka ta dva naša dična sina  
Služili su virno Bogu i našem rodu  
Puno je svita bilo na njevom ukopu

Tvrda vira naša, to Bunjevce kras  
Taj plam dičnog roda nek se ne ugasi  
Na nebu su se za nji otvorila vrata  
Primila su srce i dušu ta dva naša brata.

Palić, marta 2006. godine



## JA SAM SLUGA DRAGOGA BOGA

Ponoć je prošla, prazna je čaša  
Prazna je i duša zbog mog salaša  
Vrimešan salaš, a vrimešan i ja  
Želja mi dušu u srcu savija

Mijana mala al puno dima  
Svirci su umorni i njima se drima  
Znadu me oni iz mladi dana  
Onda nije bolila životna rana

Ne tuguj starino za prošle dane  
Naruči pismu da izliči rane  
Pobigo život i tebi i nama  
Što misliš na prošlost to nije mana

Znate vi pismu što čuvam u duši  
To je sve što imam, a drugo se ruši  
Ako baš očete svirajte moju pismu  
Da častim mladost, da brige stisnu

Laku noć vam želim svirci stari  
Tambure ruše sve ružne stvari  
Još samo molim dragoga Boga  
Da moje Bunjevce sačuva sloga.



Tomislav Kopunović, 1960. god., Palić

## VITROVI TAJFUNI

Tu u Bačkoj velika varoš prava i istinska  
Kugod što je naša ta duša Slovenska  
Bila je to kadgod i turska kasaba  
A tribalo bi odsele da bidne kapija Evropska

Nije dobro tamo di dođu vitrovi tajfuni  
Još je gore valda di gazduju tajkuni  
Otimaje plodnu zemlju od našeg parasnika  
Misto gazdašaga biće isposnika

Tužni su svatovi di nezvani gosti dođu  
Vridni domaćini do zla Boga kako prođu  
A veselje onda, baš, zamini tuga  
Sve malo pomalo, izgubismo i druga

Život stalno teče ko nabujala reka  
Napaćenoj duši di još mož nać lika  
Gledati u nebo dal nas kogod vidi  
Pametn rič poznade, a lopov se ne stidi.

Palić, 3.3.2007.





## RASTANAK SA STARIM SALAŠOM

Pisniku Tomislavu Kopunoviću ovo je druga zbirka pisama koje su nastale proteklom periodu. U tim pismama autor, prije svega, iskaziva svoja rodoljubiva osićanja prema svom bunjevačkom rodu, nostalgично opisujuc vrmena i događaje iz prošlosti za koje zna da se više nikad neće vratiti, i vapi da se taj sunovrat zaustavi ko što je to izrazio u pismi „ Subotice, srce Bunjevaca“:

*„Pomozimo Bože da sačuvamo salaše  
Da ne osramotimo pradidove naše“*

Njegova svist je uznemirena čerez tog što je došlo da se Bunjevci dile, ne slažu, i da ji drugi svojataje, pa u pismi „ I ja sam sluga dragog Boga“ poručiva:

*„Ja samo molim dragog Boga  
Da moje Bunjevce sačuva sloga“*

Pisnik voli prirodu, ljude, običaje, i s puno ne skriveni emocija piva o Bačkoj, po njemu, kolivki bunjevačkoj; Subotici, Kerskoj mlaki, salašima i svima ponaosob posvićuje jednu ili više pisama

Autor piva o Bunjercima ko o etnosu, a i posebno o pojedinim značajnim Bunjercima il njemu dragim prijateljima i saradnicima. To su pisme o popu Blašku Rajiću, Lozani, dr Josipu Stantiću i drugim. Posebno posvećiva pažnju Bunjevki, bunjevačkoj nani ko nosiocu kulture, tradicije i običaja bunjevački. Božić, prelo i drugi virski običaji su predmet njegovog pisničkog izražaja i pisničke deskripcije.

Ono što je u svakom pisniku pristuno su lična osićanja, prolaznost života i vrmena. Elegična osićanja prouzrokovana gubitkom drage i bliske osobe pristna su u poeziji Tomislava Kopunovića.

Pisnik se kritički osvrće na pojedine događaje i ličnosti u subotičkom javnom životu, ko i na brojne nezakonitosti i nepravde i postupku politički i personalni promina i tranzicije.

Tomislav Kopunović piva štokavskom ikavicom poetski narativnim stilom istovetnom govoru ovdašnje bunjevačke populacije, te ga ova zbirka pisama priporučiva ko autentičnog bunjevačkog stvaraoaca.

**Geza Babijanović**

# SADRŽAJ

## SVOME GRADU

Subotice, srce Bunjevaca.....	5
Subotice, naša uzdanice .....	6
Subotice, kolivka si naša .....	7
U tom našem lipom Keru.....	8
Svi smo seko rođeni u Keru .....	9
Rodnoj grudi.....	10
Pozdrav Subotici.....	11

## SVOME RODU

Baš su vridni salašari.....	15
Bunjevačke rodile nas nane.....	16
Bunjevki.....	17
Istina je snaga Bunjevaca .....	19
Istina iz naše duše.....	20
Bunjevke su lipe žene .....	22
Korzo .....	23

## VOJVOĐANSKA RAVNICA

Ravnici voljenoj.....	27
Lipa Bačko ti si druga nana .....	28
Vojvodino u srcu te nosim .....	29
Široko je srce te ravnice .....	30
Svani dane.....	31
Ej Somboru, ti si ljubav naša .....	32
Oslobodiocima.....	33
Bački voljenoj.....	34

## SICANJA

Na salašu dide mog .....	37
Kad smo kadgod gazde bili.....	38

Uspomene .....	39
Daleko si postojbino naša .....	40
Srebrni vali .....	41
Uz jezero .....	42

## OBIČAJI

Marinsko prelo .....	45
Matijski vašar .....	46
Momačko prelo .....	47
Šta je život .....	49
Šta da čuva pulin kad nema ovaca .....	50
Suša .....	52
Božić .....	53
Uskrs nam je ime Spasitelja .....	54
Na dan svih matera .....	55

## ZNANIMA

Blašku Rajiću .....	59
Dr. Josipu Stantiću .....	63
Poslednji zbogom neustrašivom borcu .....	64
Umetničke ruke .....	65

## VOLJENIMA

Mojoj pokojnoj nani .....	69
Unucima .....	70
I nebo je plakalo to veče .....	72
Ja sam sluga dragoga Boga .....	73
Vitrovi tajfuni .....	75
Recenzija Geze Babijanovića .....	77
Sadržaj .....	78

